

**63. þing Sundsambands Íslands  
ÍPRÓTTAMIÐSTÖÐINNÍ Í LAUGARDAL  
15. júní 2019**

**Þingskjal nr: 2019 - 13**

**63. þing Sundsambands Íslands haldið í Íþróttamiðstöðinni í Laugardal 15. júní 2019**

Samþykkir eftirfarandi tillögur um breytingar á lögum SSÍ. (Ath!!! Núverandi texti, sumstaðar yfirstrikaður til skýringa, sýndur í vinstra dálki en breyttur texti í hægri dálki. *Breytingar eru rauðlitaðar og skáletraðar*)

<p><b>1. grein er:</b> Sundsamband Íslands, skammstafað SSÍ, er æðsti aðili innan vébanda Íþrótt- og Ólympíusambands Íslands, ÍSÍ, og fer með sérgreinamálefni sundíþrótta á Íslandi. SSÍ er ólympískt samband og er aðili að Alþjóðasundsbandinu, FINA.</p>	<p><b>1. grein verður:</b> <i>Heiti sambandsins er Sundíþróttasamband Íslands. Heiti sambandsins er skammstafað SSÍ, en einnig má nota heitið Sundsamband Íslands um sambandið. SSÍ er æðsti aðili sundíþróttahreyfingarinnar innan vébanda Íþrótt- og Ólympíusambands Íslands, ÍSÍ, og fer með sérgreinamálefni sundíþrótta á Íslandi. SSÍ er ólympískt samband og er aðili að <i>Norræna sundsambandinu NSF, Evrópska sundíþróttasambandinu LEN og Alþjóðasundíþróttasambandinu, FINA.</i></i></p>
--	--

**Greinargerð**

Í **1. grein** er lagt til að heiti sambandsins verði Sundíþróttasamband Íslands til að árétta að sambandið er regnhlíf fyrir allar greinar sundíþrótta sem eru innan LEN og FINA og ekki sé hægt að stofna sérstök sambönd um einstakar sundíþróttir. Þetta mun ekki hafa nein áhrif á núverandi starfssemi, auðkenni eða hvað sambandið er kallað. Þá er gerð tillaga um að árrétta alþjóðleg tengsl og samstarf sem SSÍ á í við NSF, LEN og FINA.

<p><b>3. grein er:</b> Tilgangur og markmið SSÍ er í meginatriðum: a) Að hafa yfirstjórn allra sérgreinamálefna sundíþrótta á Íslandi. b) Að vinna að stofnun og starfssemi sundráða og efla á allan hátt sundíþróttir Íslandi. c) Að setja og fylgja eftir nauðsynlegum reglum, uppfræða og löggilda dómara, staðsetja og framkvæma mót SSÍ og staðfesta íslensk met. d) Að efla, samræma og skipuleggja málefni og verkefni landsliða og undirbúningshópa landsliða. e) Að vera fulltrúi íslensku sundhreyfingarinnar gagnvart erlendum aðilum og gæta þess að gildandi reglur um sundíþróttir á Íslandi séu í samræmi við alþjóðlegar reglur. SSÍ leitar atbeina ÍSÍ gagnvart alþjóðlegum samskiptum eftir því sem það á við</p>	<p><b>3. grein verður:</b> Tilgangur og markmið SSÍ er í meginatriðum: a) Að hafa yfirstjórn allra sérgreinamálefna sundíþrótta á Íslandi. b) Að vinna að stofnun og starfssemi sundráða og efla á allan hátt sundíþróttir á Íslandi. c) Að setja og fylgja eftir nauðsynlegum reglum, uppfræða og löggilda dómara, staðsetja og framkvæma mót SSÍ og staðfesta íslensk met. d) Að efla, samræma og skipuleggja málefni og verkefni landsliða og undirbúningshópa landsliða. <i>e) Að vinna að uppbyggingu á sundíþróttaaðstöðu um landið.</i> <i>f) Að fylgja eftir að sundkennsla á Íslandi sé eins og best verður á kosið á hverjum tíma.</i> g) Að vera fulltrúi íslensku sundhreyfingarinnar gagnvart erlendum aðilum og gæta þess að gildandi reglur um sundíþróttir á Íslandi séu í samræmi við alþjóðlegar reglur. SSÍ leitar atbeina ÍSÍ gagnvart alþjóðlegum samskiptum eftir því sem það á við.</p>
---	--

**Greinargerð**

Í **3. grein** er lagt til að tveimur atriðum verði bætt við tilgang SSÍ, en það er að vinna að uppbyggingu sundíþróttaaðstöðu um landið og svo að fylgja eftir gæðum sundkennslu á Íslandi. Þetta er í samræmi við breytingartillögur um verkefni stjórnar SSÍ í 11. grein

63. þing Sundsambands Íslands  
ÞRÓTTAMIÐSTÖÐINNÍ Í LAUGARDAL  
15. júní 2019

Þingskjal nr: 2019 - 13

<p><b>7. grein er:</b> Dagskrá sundþings er:</p> <ol style="list-style-type: none"> <li>1. Þingsetning – ávörp gesta.</li> <li>2. Kjör kjörbréfanefndar.</li> <li>3. Kjörnir þingforseti/ar og þingritari/ar.</li> <li>4. Tillaga um heiðursviðurkenningar SSÍ afgreidd.</li> <li>5. Niðurstaða kjörbréfanefndar kynnt.</li> <li>6. Kosning starfsnefnda þingsins.       <ol style="list-style-type: none"> <li>a) Fjárhagsnefnd.</li> <li>b) Laga- og leikreglnanefnd.</li> <li>c) Allsherjarnefnd.</li> <li>d) Aðrar nefndir, ef þörf krefur.</li> </ol> </li> <li>7. Skýrsla stjórnar.</li> <li>8. Endurskoðaðir reikningar lagðir fram.</li> <li>9. Umræður um skýrslu stjórnar, starfsnefnda og reikninga.</li> <li>10. Afgreiðsla reikninga.</li> <li>11. Tillögur sem lagðar eru fyrir þingið samkvæmt fundarboði - kynntar og vísað til nefnda.</li> <li>12. Tillaga stjórnar um fjárhæð og fyrirkomulag þjónustugjalda.</li> <li>13. Nefndastörf.</li> <li>14. <del>Fjárhagsáætlun — afgreiðsla.</del></li> <li>15. Afgreiðsla lagabreytingatillagna.</li> <li>16. Afgreiðsla annarra tillagna frá starfsnefndum.</li> <li>17. Kosningar.       <ol style="list-style-type: none"> <li>a) Kosning formanns til tveggja ára.</li> <li>b) Kosning fjögurra stjórnarmanna</li> <li>e) <del>Kosning tveggja varamanna til næsta sundþings</del></li> <li>⊕ Kosning tveggja skoðunarmanna reikninga til næsta sundþings</li> </ol> </li> <li>18. Önnur mál.</li> <li>19. Þingslit.</li> </ol>	<p><b>7. grein verður:</b> Dagskrá sundþings er:</p> <ol style="list-style-type: none"> <li>1. Þingsetning – ávörp gesta.</li> <li>2. Kjör kjörbréfanefndar.</li> <li>3. Kjörnir þingforseti/ar og þingritari/ar.</li> <li>4. Tillaga um heiðursviðurkenningar SSÍ afgreidd.</li> <li>5. Niðurstaða kjörbréfanefndar kynnt.</li> <li>6. Kosning starfsnefnda þingsins.       <ol style="list-style-type: none"> <li>a) Fjárhagsnefnd.</li> <li>b) Laga- og leikreglnanefnd.</li> <li>c) Allsherjarnefnd.</li> <li>d) Aðrar nefndir, ef þörf krefur.</li> </ol> </li> <li>7. Skýrsla stjórnar.</li> <li>8. Endurskoðaðir reikningar lagðir fram.</li> <li>9. Umræður um skýrslu stjórnar, starfsnefnda og reikninga.</li> <li>10. Afgreiðsla reikninga.</li> <li>11. Tillögur sem lagðar eru fyrir þingið samkvæmt fundarboði - kynntar og vísað til nefnda.</li> <li>12. Tillaga stjórnar um fjárhæð og fyrirkomulag þjónustugjalda.</li> <li>13. Nefndastörf.</li> <li>14. Fjárhagsáætlun       <ol style="list-style-type: none"> <li>a) <i>næstu tveggja reikningsára lagðar fyrir</i></li> <li>b) <i>yfirstandandi árs staðfest</i></li> </ol> </li> <li>15. Afgreiðsla lagabreytingatillagna.</li> <li>16. Afgreiðsla annarra tillagna frá starfsnefndum.</li> <li>17. Kosningar.       <ol style="list-style-type: none"> <li>a) Kosning formanns til tveggja ára.</li> <li>b) Kosning fjögurra stjórnarmanna</li> <li>c) Kosning tveggja skoðunarmanna reikninga til næsta sundþings</li> </ol> </li> <li>18. Önnur mál.</li> <li>19. Þingslit.</li> </ol> <p><i>Stjórn SSÍ skal láta koma fram í auglýstri dagskrá hvenær kosning til stjórnar hefst.</i></p>
---	---

**Greinargerð**

Í 7. grein er annars vegar lagt til að fjárhagsáætlanir fyrir næstu tvö reikningsár séu lagðar fyrir og jafnframt að fjárhagsáætlun yfirstandandi árs sé staðfest. Það er ankannanlegt að leggja áætlun ársins fyrir þegar stór hluti ársins er liðinn. Þess vegna er gert ráð fyrir að þingið staðfesti áætlun yfirstandandi árs og fylgi úr hlaði áætlun næstu tveggja ára á eftir.

Þá er lagt til að kosning um varamenn í stjórn fari ekki fram – í samræmi við breytingartillögur við 10. grein. Í lok þessarar greinar er bætt við tillögu að málsgrein sem fjallar um að í auglýstri dagskrá eigi að taka fram hvenær stjórnarkosning á að fara fram. Það er í samræmi við venju undanfarinna ára, auk þess sem mörg sérsambönd hafa tekið þessa ágætu reglu upp.

63. þing Sundsambands Íslands  
ÍPRÓTTAMIÐSTÖÐINNÍ Í LAUGARDAL  
15. júní 2019

Þingskjal nr: 2019 - 13

<p><b>10. grein er:</b> Stjórn SSÍ skal skipuð níu mönnum sem allir eru kosnir til fjögurra ára í senn, auk þeirra eru tveir varamenn kosnir hverju sinni. Falli kjörinn stjórnarmaður frá eða hætti störfum áður en kjörtímabili hans lýkur, tekur varamaður sæti hans fram að næsta sundþingi á eftir og skal það sundþing kjósa mann í staðinn til loka þess kjörtíma sem eftir var. Kosningu skal hagað þannig að formaður er kosinn í beinni kosningu til fjögurra tveggja ára og 4 stjórnarmenn til fjögurra ára. Tveimur árum síðar eru kosnir 4 stjórnarmenn til fjögurra ára. Kosnið er um tvo varamenn á hverju sundþingi. Stjórn skiptir með sér öðrum verkum en hlutverki formanns. Stjórn hefur umboð til að ráða launaða starfsmenn til SSÍ í samræmi við fjárhagsáætlun á hverjum tíma. Stjórn SSÍ heldur fundi eigi sjaldnar en einu sinni í mánuði. Milli funda annast framkvæmdaráð þar sem sitja formaður, varaformaður, gjaldkeri og framkvæmdastjórar, daglegan rekstur og fjalla um þau erindi sem berast. Formaður boðar til funda. Stjórn SSÍ getur sett á fót vinnuhópa til að fjalla um afmörkuð mál í umboði hennar. Starfsár SSÍ er milli sundþinga, en reikningsárið fylgir almanaksárinu. Meirihluti stjórnar þarf að taka þátt í afgreiðslu máls til að afgreiðslan teljist fullgild.</p>	<p><b>10. grein verður:</b> <i>Stjórn SSÍ skal skipuð átta einstaklingum auk formanns. Kosningu skal haga þannig að formaður er kjörinn í beinni kosningu til tveggja ára á hverju Sundþingi. Einnig eru kosnir 4 einstaklingar til fjögurra ára. Tveimur árum síðar eru kosnir 4 einstaklingar til fjögurra ára. Framboðsfresti til stjórnar lýkur 4 vikum fyrir Sundþing. Hafi ekki borist nægjanlega mörg framboð hefur kjörnefnd heimild til að framlengja frestinn um tvær vikur. Hafi þá ekki borist nægjanlega mörg framboð hefur kjörnefnd eina viku til að fá frambjóðendur í þær stöður sem lausar eru. Stjórn skiptir með sér öðrum verkum en hlutverki formanns. Stjórn hefur umboð til að ráða launaða starfsmenn til SSÍ í samræmi við fjárhagsáætlun á hverjum tíma. Stjórn SSÍ heldur fundi eigi sjaldnar en einu sinni í mánuði. Stjórn skipar þriggja manna framkvæmdaráð úr sínum hópi. Framkvæmdaráð vinnur með framkvæmdastjóra SSÍ að úrlausn mála milli stjórnarfunða. Formaður boðar til funda. Stjórn SSÍ getur sett á fót vinnuhópa til að fjalla um afmörkuð mál í umboði hennar. Starfsár SSÍ er milli sundþinga en reikningsárið fylgir almanaksárinu. Meirihluti stjórnar þarf að taka þátt í afgreiðslu máls til að afgreiðslan teljist fullgild. Falli stjórnarmaður frá eða hættir störfum á milli Sundþinga, hefur stjórn SSÍ heimild til að kalla einstaklinga til starfa í hans stað. Einstaklingar sem þannig eru kallaðir til geta ekki ráðið úrslitum um afgreiðslu mála innan stjórnar SSÍ.</i></p>
--	---

**Greinargerð**

Í 10. grein eru lagðar til ýmsar breytingar.

Í fyrsta lagi er gerð tillaga um orðalagsbreytingar um hvernig kjósa á stjórnarfolk. Engar efnisbreytingar eru gerðar.

Í öðru lagi er gerð tillaga um að fella burtu ákvæði um að kjósa varastjórn. Miðað við reynslu okkar þessi þrettán ár sem ákvæðið hefur verið í gildi er ekki ástæða til að hafa varamenn. Þess í stað er lagt til að stjórn geti kallað til starfa fólk falli stjórnarmenn frá eða hætti störfum. Það hefur verið gert í nokkur skipti og gefist ágætlega.

Í þriðja lagi er gerð tillaga um orðalagsbreytingar hvað varðar framkvæmdaráð. Í stað þess að það sé ákveðið í lögnum hverjir skipa framkvæmdaráð er lagt til að stjórn skipi það úr sínum hópi. Alltaf er þó gert ráð fyrir að formaður fari fyrir framkvæmdaráði eins og stjórn.

Í fjórða lagi er sett inn ákvæði í 10. grein sem er í samræmi við breytingu sem gerð var á 12. grein í lögnum á Sundþingi 2017. Ákvæðið fjallar um framboðsfrest og hvernig kjörnefnd ber að haga vinnu sinni í aðdraganda sundþings. Á móti er gert ráð fyrir að ákvæðið í 12. grein falli burtu þar sem eðlilegra þykir að fjalla um framboð til stjórnar í sömu grein og fjallað er um kosningu til stjórnar.

63. þing Sundsambands Íslands  
ÍPRÓTTAMIÐSTÖÐINNÍ Í LAUGARDAL  
15. júní 2019

Þingskjal nr: 2019 - 13

<p><b>11. grein er:</b> Stjórn SSÍ fer með málefni sundhreyfingarinnar á Íslandi milli sundþinga. <del>Að öðru leyti er starfsvið-stjórnar SSÍ:</del></p> <ol style="list-style-type: none"> <li>1. Fylgist með að leikreglur og reglugerðir fyrir sundíþróttir séu jafnan í samræmi við alþjóðareglur.</li> <li>2. Annast skýrslugerð í samræmi við lög ÍSÍ.</li> <li>3. Sker úr ágreiningi um sundmál og setur nauðsynleg bráðabirgðaákvæði.</li> <li>4. Annast fjármál SSÍ.</li> <li>5. Staðfestir íslensk met í sundíþróttum.</li> <li>6. Löggildir dómara í sundíþróttum. <del>Stjórnarfundir skal halda eftir því sem þörf krefur, eða ef 2 eða fleiri stjórnarmenn óska þess</del></li> </ol>	<p><b>11. grein verður:</b> Stjórn SSÍ fer með <b>öll</b> málefni sundhreyfingarinnar á Íslandi milli sundþinga. <b>Aðalverkefni</b> stjórnar SSÍ <b>eru að:</b></p> <ol style="list-style-type: none"> <li>1. Fylg<b>ja</b>st með að leikreglur og reglugerðir fyrir sundíþróttir séu jafnan í samræmi við alþjóðareglur.</li> <li>2. Annast skýrslugerð í samræmi við lög ÍSÍ.</li> <li>3. Sker<b>a</b> úr ágreiningi um sundmál og set<b>ja</b> nauðsynleg bráðabirgðaákvæði.</li> <li>4. Annast fjármál SSÍ.</li> <li>5. Staðfest<b>a</b> íslensk met í sundíþróttum.</li> <li>6. Löggild<b>a</b> dómara í sundíþróttum.</li> <li>7. Halda skrá um menntun og endurmenntun starfandi þjálfara á Íslandi. Standa fyrir og styðja námskeið og fræðslu fyrir þjálfara.</li> <li>8. Framfylgja Stefnu SSÍ um uppbyggingu sundfólks og fjölgun félaga.</li> <li>9. Framfylgja Stefnu SSÍ um uppbyggingu á sundíþróttaaðstöðu um landið.</li> <li>10. Framfylgja Afreksstefnu SSÍ og gæta þess að vel sé hlúð að uppbyggingu og afreksstarfi innan sundfélaga og deilda.</li> <li>11. Beita sér fyrir að námsskrá um sundkennsla sé haldin og að sundkennsla á Íslandi uppfylli eðlilegar kröfur. Stjórn SSÍ er heimilt að stofna til samstarfs með öðrum sérsamböndum, héraðssamböndum/íþróttabandalögum, sveitarfélögum og ríkisvaldinu til að ná ofangreindum markmiðum.</li> </ol>
--	--

**Greinargerð**

Í **11.grein** er gerð tillaga um orðalagsbreytingu til að áréttu annars vegar að SSÍ er regnhlíf yfir allar sundíþróttir og málefni tengd þeim og hins vegar er orðalagsbreyting sem miðar að því að ramma betur inn skilning á verkefnum stjórnar SSÍ.

Þá er listinn um aðalverkefni stjórnar SSÍ lengdur til að áréttu þau verkefni sem stöðugt er unnið að og einnig er stjórninni gefin formleg heimild til að hefja samstarf við önnur sérsambönd, Héraðs- og íþróttabandalög, sveitarstjórnir og ríkið til að ná fram markmiðum sambandsins. Allt slíkt samstarf þarfnast engu að síður staðfestingar næsta Sundþings á eftir sbr. breytingar á Almennum ákvæðum og reglugerðum SSÍ. Þá er fellt út ákvæði um að halda stjórnarfundir eftir þörfum, þar sem í 10.grein er ákvæði um að stjórnarfundir eigi að halda a.m.k. einu sinni í mánuði og því óþarft hér.

63. þing Sundsambands Íslands  
ÍPRÓTTAMIÐSTÖÐINNIN Í LAUGARDAL  
15. júní 2019

Þingskjal nr: 2019 - 13

<p><b>12. grein er:</b> Stjórn SSÍ kallar eftir tilnefningum frá kjörnefnd amk mánuði fyrir sundþing. Öll framboð til stjórnar skulu liggja fyrir tveimur vikum fyrir þingbyrjun. Stjórn SSÍ skipar formenn nefnda og sérstaka-fulltrúa stjórnar í nefndir á fyrsta fundi sínum eftir sundþing og staðfestir skipan í starfsnefndir sem starfa í umboði stjórnar SSÍ í samræmi við lög og aðrar samþykktir Sundsambands Ísland. Starfsmenn SSÍ eða stjórnarmenn skulu ekki gegna formennsku í starfsnefndum sambandsins nema sérstaklega standi á. Aga og siðanefnd Fræðslu- og kynningarnefnd Kjörnefnd Landsliðsnefnd Dómara-, móta- og tækninefnd Sundíþróttarnefnd Þjálfarnefnd Aðrar nefndir sem stjórn SSÍ telur nauðsynlegt að taki til starfa Stjórn skipar nýja fulltrúa í nefndir í stað þeirra sem forfallast eða hætta störfum á starfstímabili. Hlutverk, starfssvið og umboð starfsnefnda skal skilgreint með sérstakri samþykkt stjórnar SSÍ á hverjum tíma. Íþróttamannanefnd SSÍ er skipuð 5 einstaklingum úr afrekshópum félaga innan SSÍ. Stjórn SSÍ stendur fyrir kosningu í Íþróttamannanefndina innan mánaðar frá því að sundþingi lýkur. Íþróttamannanefnd SSÍ getur lagt mál fyrir stjórn SSÍ og fulltrúi stjórnar SSÍ situr fundi nefndarinnar. Nefndin getur óskað eftir fundum með stjórn SSÍ eftir þörfum. Sundsamband Íslands er aðili að dómstólaskipan ÍSÍ, án þess að gildandi séu sérákvæði.</p>	<p><b>12. grein verður:</b> Stjórn SSÍ skipar formenn nefnda og fulltrúa stjórnar í nefndir á fyrsta fundi sínum eftir sundþing og staðfestir skipan í starfsnefndir sem starfa í umboði stjórnar SSÍ í samræmi við lög og aðrar samþykktir Sundsambands Íslands. Starfsmenn SSÍ eða stjórnarmenn skulu ekki gegna formennsku í starfsnefndum sambandsins nema sérstaklega standi á. Aga og siðanefnd <i>minnst 3 einstaklingar</i> <i>Fræðslunefnd minnst 3 einstaklingar</i> Kjörnefnd <i>minnst 3 einstaklingar</i> Landsliðsnefnd <i>minnst 5 einstaklingar</i> <i>Íþróttamannanefnd minnst 5 einstaklingar (í samræmi við kosningu sundfólks)</i> <i>Dómaranefnd minnst 5 einstaklingar</i> <i>Móta- og tækninefnd minnst 3 einstaklingar</i> Þjálfarnefnd <i>minnst 3 einstaklingar</i> Aðrar nefndir sem stjórn SSÍ telur nauðsynlegt að taki til starfa. Stjórn skipar nýja fulltrúa í nefndir í stað þeirra sem forfallast eða hætta störfum á starfstímabili. Hlutverk, starfssvið og umboð starfsnefnda skal skilgreint með sérstakri samþykkt stjórnar SSÍ á hverjum tíma. Íþróttamannanefnd SSÍ er skipuð 5 einstaklingum úr afrekshópum félaga innan SSÍ. Stjórn SSÍ stendur fyrir kosningu í Íþróttamannanefndina innan mánaðar frá því að sundþingi lýkur. Íþróttamannanefnd SSÍ getur lagt mál fyrir stjórn SSÍ og fulltrúi stjórnar SSÍ situr fundi nefndarinnar. Nefndin getur óskað eftir fundum með stjórn SSÍ eftir þörfum. Sundsamband Íslands er aðili að dómstólaskipan ÍSÍ án þess að gildandi séu sérákvæði.</p>
---	---

**Greinargerð**

Í 12. grein er gerð tillaga um að fella brott fyrstu málsgreinina sem fjallar um störf kjörnefndar. Það er gert með þeim fyrirvara að samhliða breyting á 10. grein um hlutverk og störf kjörnefndar nái fram að ganga.

Þá er tiltekt í nefndalistanum, en af einhverju orsökum hafa breytingar á honum ekki birst réttar í lögum SSÍ fram til þessa.

Gerð er tillaga um lágmarksfjölda fólks í hverri nefnd. Þessi lágmarksfjöldi telur ekki fulltrúa stjórnar í nefndunum.

63. þing Sundsambands Íslands  
ÍPRÓTTAMIÐSTÖÐINNÍ Í LAUGARDAL  
15. júní 2019

Þingskjal nr: 2019 - 13

<p><b>13. grein er:</b> Héraðssamböndin/íþróttabandalögin eru milliliðir milli félaga sinna og stjórnar SSÍ. Þau skulu senda stjórn SSÍ afrit af öllum lögum sínum. Þá skulu þau og senda henni allar skýrslur um mót sem haldin eru í undanmi þeirra. Þessar skýrslur skulu sendar innan hálf mánaðar eftir að móti lýkur. Ársskýrslur sínar um störf sundráðs – héraðssambands/íþróttabandalags skal sambandsaðili senda SSÍ fyrir 1. júní ár hvert. Vanræki sambandsaðili ítrekað að senda skýrslur fyrir hinn ákveðna tíma varðar það réttindamissi og brottrekstri. Þó skal ávallt aðvara viðkomandi sambandsaðila áður en gripið er til brottrekstrar.</p>	<p><b>13. grein verður:</b> <i>Aðilar að SSÍ eru héraðssambönd, íþróttabandalög og íþróttafélög með sundíþróttir innan sinna vébanda. Aðildarfélög skulu senda stjórn SSÍ afrit af lögum sínum. Þau skulu senda SSÍ skýrslur um mót sem haldin eru á þeirra vegum í samræmi við reglur í Almennum ákvæðum SSÍ. Aðildarsambönd og -félög senda SSÍ ársskýrslur sínar. Jafnframt ber þeim að standa skil á skráningum í sameiginlegt skráningarkerfi íþrótt- og ungmennahreyfingarinnar í samræmi við reglur ÍSÍ þar um. Vanræki sambandsaðili ítrekað skýrslu- eða skráningarskil varðar það réttindamissi og brottrekstri. Þó skal ávallt aðvara viðkomandi sambandsaðila áður en gripið er til brottrekstrar</i></p>
--	---

**Greinargerð**

Í 13. grein er gerð tillaga að breytingum í samræmi við raunverulega aðild að SSÍ, en félög eru með beina aðild að SSÍ. Þá er einfaldað orðalag um skýrslu- og skráningarskil og orðalag fært til raunveruleikans.